

pensa sii tregua, et che teniva che se le gente francese havesseno passato il Po, dovesseno repassarlo.

271¹) Et hessendo opinion del Serenissimo et qualche Savio di Collegio di risponder al Capitanio zeneral, qual vol libertà in caso acadesse bisogno in aiuto di le terre del Papa, poter passar Po con quelle zente li pareria. Et volevano darli questa libertà. Altri Savii erano contrari, dicendo la dreta si è indusiar che vengi lettere di Roma, per veder se 'l Papa è acordato con li cesarei, come si tien sia zà acordato, overo non. Et cussì fo d'acordo terminato non scriver nulla.

Fu posto, per li Savii, che sier Agustin da Mula, qual fo mandato Proveditor zeneral di qua da Menzo et è a Verona, li sia dato licentia che 'l vegni a repatriar. Fu presa. Ave: 141, 1, 2.

Fu posto, per li Consieri, Cai di XL et Savii, atento la gran carestia è in Roma, sicome questo Conseio ha inteso, però sia donato ducati 200 d'oro in oro a sier Domenego Venier orator nostro, in recompenso di la gran spesa l'ha. Fu presa. 128, 33, 0.

Fu posto, per tutti, *ut supra*, atento le operation degne del qu. sier Marco Tiepolo qu. sier Matio, hessendo Soracomito sotto la Zefalonia, et Zuane suo fiol, qual si ha dato a la militia et fo ferito nell'ochio destro da Osoph da uno arcobuso et in una searamuza è stà ferito in l'ochio sinistro combatendo, del quale è rimasto privo, pertanto li sia dato provision di ducati 10 al mexe a la camera di Padoa, con condition tegni 4 cavalli et habi le taxe nella Patria del Friul, *ut in parte*. Ave: 171, 6, 1. Fu presa.

Fu posto, per li ditti, dar provision a la moier fo de Macon da Coregio fo morto sotto Cremona

.
.
.

Fu posto, per i Savii ai ordini, atento le operation di Simon fiol di Rado Calbo, qual hessendo sopra la galia di Baruto in la fortuna lui comandò come pedota la galia sichè quella si salvò, però li sia dà Paron di la prima galia di mercà che andarà. Ave: 140, 34, 9. Fu presa.

Fu posto, per una confirmation di uno privilegio fo dato a uno candioto per il Capitanio zeneral.

272 Fu posto, per li Consieri et Savii, una parte di far con oblation di danari . . . rezimenti et officii,

ut in parte, la qual si ha a metter a Gran Conseio. Et li Cai di XL volseno la parte con questa condition non si possi acceptar oblation di manco di ducati 200, *ut in parte*. Andò le parte: La prima, 28 di Savii, 145 di Cai di XL, et questa fu presa.

Fu posto, per i Savii, una parte, che a requisition de li oratori de la comunità di Verona, qual hanno richiesto sia levato li hebrei di la città di Verona che non possino prestar usura etc.

Et sier Gabriel Moro el cavalier, savio a terra ferma, andò in renga per contradir, et fo rimessa la materia a uno altro Conseio.

Fu posto, per i Consieri, una taia a Camposampiero, di uno qual rompete la preson di nocte et tolse fuora suo padre era per debito, che 'l possi bandirlo di terre et lochi, con taia vivo lire 1000, morto 600, *ut in parte*. Fu presa. 108, 4, 5, *videlicet* uno di Brozuolo con compagni 50.

Fu posto, per li Savii sora le acque certa gratia a uno qual vol dar intrada a la Signoria, che l'habi 10 per 100, *ut in ea*. 176, 18, 1.

Fu posto, per li Savii tutti d'acordo, la commission a sier Marco Minio va orator al Signor turco *ut in ea*. Ave tutto il Conseio.

A dì 20. La matina et quasi tutto il zorno fo 272^{*} gran pioza. Fo alditì in Collegio li Provedadori sora i dacia zerca il contrabando di Verona, però che quelli zenoesi voleno prestar a la Signoria ducati 6000 per anni, et par non sia contrabando per haver pagà per questo da ducati 400, et per il Conseio di X con la Zonta, voleno acetar l'oblation et restituirlo.

Vene in Collegio sier Zuan Basadonna el dotor di sier Andrea con sier Alvisè Bon suo socero, dolendosi che in palazzo, al Petizion dove fanno lite, sier Alvisè Basadonna suo cuxin li ha dato pugni et batuto; qual per le lexe merita gran pena. *Unde* il Serenissimo con li Consieri mandono a chiamar tuti tre li Avogadori di Comun, et li commesseno tal caxo.

Da Constantinopoli, di sier Piero Zen vicebailo, fo lettere, vechie replicate, ma in mercadanti, di 5 Novembrio. Qual li soi scriveno fin 8 zorni si aspectava il Signor turco con la Porta de li, et altre particolarità.

Vene l'orator del duca di Ferrara et have audientia con li Cai di X, credo in materia del Papa.

Noto. Mercadanti alcuni heri sera et questa notte di le galie di Baruto, capitanio sier Alexandro Contarini, veneno in terra con non poca fortuna di mar et vento, però che le galie sono zonte a Paren-

(1) La carta 271 è bianca.